


**Komisija za ostvarivanje ravnopravnosti spolova u BiH**

Broj: 01/8-011-369/02.

Sarajevo, 09.04. 2002.godine.



**Z A P I S N I K**

Sa 7. sjednice Komisije za ostvarivanje ravnopravnosti spolova u BiH održane 16.04.2002. godine

Sjednici Komisije prisustvovali su:

- Kamberović Violeta, predsjedavajući komisije,
- Stokić Dušan, drugi zamjenik predsjedavajućeg Komisije,
- Malkić Abdurahman, član Komisije,
- Purić Mirsad, član Komisije,
- Mašović Amor, član Komisije.

Odsustvovali su Osmanović Bahrija, prvi zamjenik predsjedavajućeg Komisije, Neimarlija Hilmo, Baković Mirko i Tošić Momir, članovi Komisije.

Sjednici je prisustvovala i pozvana predstavnica obrađivanja i predlagača Zakona o ravnopravnosti i jednakosti spolova u BiH, gospođa Đuderija Saliha.

Nisu prisustvovali sjednici ni uredno pozvani predstavnici OSCE-BiH.

Sjednica je trebala otpočeti sa radom u 12.00 sati, ali je kasnila 45minuta jer nije bilo kvoruma. Prije otpočinjanja sjednice, razgovaralo se o neprisustvovanju sjednicama pojedinih članova Komisije, te je apelovano da se radu sjednice odazivaju njeni članovi, a u nemogućnosti prisustva da obavijeste sekretara o nemogućnosti.

Za sjednicu je usvojen slijedeći:

**DNEVNI RED:**

01. Usvajanje zapisnika sa 6. sjednice Komisije,
02. Izvještaj sa II Konferencije žena članica parlamenata Jugoistočne Europe održane u Istanbulu u periodu 21. do 24.03.2002. godine.
03. Izrada elaborata za organiziranje javnih rasprava na temu «Nasilje nad ženama» koje potpomaže OSCE BiH.
04. Upoznavanje s Zakonom o ravnopravnosti i jednakosti spolova u BiH
05. Tekuća pitanja.

#### **Ad. – 1 Usvajanje zapisnika sa 6. sjednice Komisije**

Nakon usvajanja dnevnog reda, predsjedavajući Komisije, g-đa Kamberović Violeta ukazala je na prisustvo novog sekretara Komisije, kao i prisustvo predlagača Zakona o ravnopravnosti i jednakosti spolova u BiH. Predložila je diskusiju i usvajanje zapisnika sa 6. sjednice. O zapisniku nije bilo diskusije.

Komisija je jednoglasno usvojila Zapisnik s 6. sjednice Komisije.

#### **Ad. – 2 Izvještaj sa II Konferencije žena članica parlamenata Jugoistočne Europe održane u Istanbulu u periodu 21. do 24.03.2002. godine.**

U uvodnom izlaganju za drugu tačku dnevnog reda, predsjedavajući Komisije, g-đa Kamberović je, pored prezentacije materijala koji je uručen prisutnima, iznijela i svoje utiske sa II Konferencije. Na sjednici su članovima Komisije uručeni skijedeći materijali:

- zapisnik sa 6. sjednice Komisije,
- nacrt Zakona o ravnopravnosti i jednakosti spolova,
- akt «Žene, mir i sigurnost žene rješavaju konflikt» od Međunarodnog instituta za demokraciju,
- nacrt zaključaka na engleskom jeziku od Međunarodnog instituta za demokraciju sa II Konferencije žena.

Predsjedavajući je istakla okolnost da je pozicija žena u jugoistočnoj Evropi u mnogome identična. Karakteristika je da je uloga žene u društvu na dosta niskom nivou, s nemogućnošću da odlučuju o ključnim pitanjima iako je poznato da su žene veliki borci. Prisustvo II Konferenciji je bilo korisno, jer su se stekla nova iskustva i dalo novog zamaha za nove aktivnosti.

U diskusiji koja je uslijedila, učešće su uzeli gotovo svi prisutni članovi Komisije, kao i gošća iz Ministarstva za ljudska prava i izbjeglice BiH.

G. Malkić je podržao informaciju i podržao aktivnost žena, te predložio da i BiH bude domaćin jedne takve manifestacije jer je to u duhu jačanja ravnopravnosti polova.

G. Purić, kao i g-đa Duderija podržali su ideju, ali je g. Stokić ukazao na mogućnost paralelnog rada sa Agencijom koja će nastati kad se donese Zakon, pa je predložio da se prvo donese Zakon o ravnopravnosti i jednakosti spolova u BiH, da on profunkcioniše, pa će se i ta aktivnost pojačati.

#### **Ad. – 3 Izrada elaborata za organiziranje javnih rasprava na temu «Nasilje nad ženama» koje potpomaže OSCE BiH.**

U uvodu za ovu tačku dnevnog reda, predsjedavajući, g-đa Kamberović je ukazala na saglasnost svih članova da se organizira javna rasprava na temu «Nasilje nad ženama». Ona je istakla dosadašnju aktivnost koja teče u posljednjih 2-3 sjednice Komisije i ukazala na razgovore sa predstavnicima OSCE koji su voljni da finansijski potpomognu ovu aktivnost Komisije. Prema dosadašnjim dogovorima, javna rasprava bi imala dvije faze i to:

- I faza – rasprava pred Komisijom i na nivou Parlamentarne skupštine BiH,
- II faza – po entitetima.

U ovu aktivnost bi bili uključeni: pravnici, ljekari, nevladine (NGO) organizacije. Za ovo treba elaborat da se sačini jer bi ga tada i OSCE prihvatio i finansirao, a nosilac aktivnosti bi bila ova Komisija.

U diskusiji, koja je nakon toga uslijedila, učeće su uzeli gotovo svi članovi Komisije. G. Purić je istakao veliki problem društva – nasilje, koji se javlja ne samo prema ženama, već i prema drugom polu-muškarcima, a i prema djeci. To je veliki problem društva i svaka institucija se mora boriti protiv ovog zla.

G. Stokić se založio za ovu aktivnost ističući potrebu da se akcent stavi na nasilje nad ženama, a potrebno je to iskazati kroz određene forme (konferencije ili sl.) i aktuelizirati u našem društvu. Svaki organi države, svake općine bi trebali obaviti svoj dio zadatka.

G. Malkić je tražio da se u ovoj aktivnosti tačno vidi kolika je uloga OSCE-a. Nakon ove aktivnosti koja će biti na nivou Parlamentarne skupštine, aktivnost bi trebalo prenijeti u entitete i na niže organe da oni implementiraju ovu aktivnost u cjelini.

**Na kraju, dogovoreno je da se:**

- ostvari kontakt sa OSCE BiH i da se vidi njeno raspoloženje za učećem u ovoj aktivnosti,
- u dogovoru sa OSCE da se ponudi određen draft, elaborat, te ako ga OSCE prihvati da se ide u realizaciju ovog projekta.

#### **Ad. - 4. Upoznavanje sa Zakonom o ravnopravnosti i jednakosti spolova u BiH**

Uvodne napomene u vezi Zakona o ravnopravnosti i jednakosti spolova u BiH dala je, predstavnica predlagača, Ministarstva za ljudska prava i izbjeglice BiH, g-da Đuderija Saliha. Ona je ukazala na pravni osnov za donošenje ovog zakona, ističući da je on sadržan u Konvenciji SIDOV, koju je ratificirala BiH. Zakon obrađuje sve oblasti u kojima se može naći diskriminacija kao što su:

- obrazovanje,
- rad,
- socijalna zaštita,
- zdravstvena zaštita,
- kultura i sl.

Izradi nacerta ovog zakona prethodila je široka javna rasprava, a uvrštena su i iskustva zemalja zapadne Evrope.

Predsjedavajući Komisije je istakla okolnost da se o zakonu raspravlja tek informativno i da će on doći u svoju redovnu proceduru. Da se pri njegovom donošenju mora voditi računa o svim situacijama u kojima nastaje neravnopravnost i treba u njemu ugraditi mehanizme koji će afirmisati ravnopravnost spolova.

G. Mašović Amor, ukazao je na mnoge nejasnoće u Zakonu. Posebno je ukazao na sam naslov zakona i termin «jednakost». Primjedbe je imao i u odredbama čl. 3. (izraz «prividno neutralna norma»), 4., (izraz «psihičko djelovanje seksualne prirode») 16., (određene aktivnosti oko pristupa medijima), 25., (termin «ženska ljudska prava»). Ujedno je istakao da će se o svim ovim okolnostima posebno govoriti kada Zakon bude u redovnoj parlamentarnoj proceduri.

U diskusijama g. Purića i g. Stokića izražena je bojazan da bi odredba člana 20 i konstatacija da je teret dokazivanja na suprotnoj strani od žrtve, pri ocjeni da je neko povrijedio pravo na ravnopravnost spolova. Ova norma mogla bi uticati na to da se neko nevin okleveta i da ima velikih neugodnosti jer on mora dokazati da nije povrijedio pravo na ravnopravnost spolova.

Na kraju, zaključeno je da je dobro što je Komisija stavila ovu tačku na dnevni red, te da se članovi Komisije dobro pripreme kada se o tome bude zvanično raspravljalo.

Ad. - 5 Tekuća pitanja.

Nije bilo nikakvih tekućih pitanja.

Ovim je završena 7. sjednica Komisije.  
Sjednica je završena u 15.30. sati.

SEKRETAR KOMISIJE

*Dr. Zijad Hasić*  
Dr. Zijad Hasić

PREDSJEDAVAJUĆI KOMISIJE

*Kamberović Violeta*  
Kamberović Violeta